



Sarajevo, 12.5.2023.godine

**KOLEGIJU PREDSTAVNIČKOG DOMA
PARLAMENTARNE SKUPŠTINE BiH**

n/r članova Kolegija

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12-05-2023

Organizaciona jedinica	Klasifikaciona oznaka	Redni broj	Broj priloga
01-	50-1-	1087/	23

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH", br.: 79/14, 81/15 i 97/15, 78/19, 26/20, 53/22), podnosim poslaničku

INICIJATIVU

kojom se zadužuje Vijeće ministara Bosne i Hercegovine da u saradnji sa Upravnim odborom Uprave za indirektno oporezivanje Bosne i Hercegovine razmotri donošenje izmjene Odluke o uslovima i postupku ostvarivanja prava na oslobađanje od plaćanja uvoznih i izvoznih dadžbina ("Službeni glasnik BiH", broj 24/18) kojom bi se u članu 60. stav (4) povećao iznos u okviru kojeg osobe sa invaliditetom mogu uvesti putnički automobil uz oslobađanje od plaćanja uvoznih dadžbina.

Obrazloženje:

Zakonom o carinskoj politici u Bosni i Hercegovini u članu 207. (Službeni glasnik BiH br. 58/15) propisani su slučajevi oslobađanja od plaćanja izvoznih i uvoznih dadžbina. Tačka 27. ovog člana propisuje oslobađanje od uvoznih dadžbina za putničke automobile za osobe sa invaliditetom.

Odlukom o uslovima i postupku ostvarivanja prava na oslobađanje od plaćanja uvoznih i izvoznih dadžbina (Službeni glasnik BiH br. 24/18) u članu 60. stav (4) propisano je da putnički automobil na koji se može ostvariti oslobađanje od uvoznih dadžbina može biti vrijednosti do 30.000 KM.

U vrijeme donošenja gore navedene Odluke iznos koji je propisan članom 60. stav (4) je bio korektan i dovoljan za kupovinu odgovarajućeg polovnog, pa čak i novog automobila koje treba imati određene karakteristike. To je navedeno i u odgovoru Uprave za indirektno oporezivanje Bosne i Hercegovine gdje je istaknuto da u toku javnih konsultacija o važećoj Odluci nije bilo primjedbi na tada utvrđeni iznos.

Pored tehničke ispravnosti koja podrazumjeva vozila novijeg datuma proizvodnje sa što manjom kilometražom, kako bi izbjegli skupe popravke, osobama sa invaliditetom je potrebno komotnije vozilo sa automatskim mjenjačem i većim prtljažnikom.

Danas je u okviru dozvoljenog iznosa teško pronaći adekvatan automobil prilagođen osobama sa invaliditetom u smislu njihovih potreba, obzirom da je došlo do većih promjena cijena automobila na domaćem, evropskom i globalnom tržištu.

Sve navedeno smatram opravdanim razlogom za inicijativu za razmatranje izmjene Odluke u smislu podizanja iznosa u okviru kojeg osobe sa invaliditetom mogu uvesti automobil uz povlasticu oslobođanja od carine i PDV-a.

Poslanik SDP BiH
Saša Magazinović

